

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNI SUD U NOVOM TRAVNIKU
Broj: 06 0 K 017059 23 K
Novi Travnik, 21.09.2023. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudija Kokić Edvina kao predsjednika vijeća, Grubešić Mirjane i Porić Lazarele kao članova vijeća, uz sudjelovanje Lovrinović Vanje kao zapisničara, u krivičnom postupku protiv optuženog D.Š. zbog krivičnog djela „Porezna utaja“ iz člana 273. stav 3. u vezi sa stavom 1. Krivičnog zakona („Službene novine Federacije Bosne i Hercegovine“, broj 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17), po optužnici Kantonalnog tužilaštva Travnik broj: T06 0 KTPO 0030176 22 od 15.12.2022. godine, nakon javnog glavnog pretresa okončanog dana 18.09.2023. godine, u prisustvu Kantonalne tužiteljice Vilić Rusmere, optuženog D.Š. i branitelja optuženog Jahić Elmira advokata iz Sarajeva, po obavljenom vijećanju i glasanju, donio je dana 21.09.2023. godine i javno objavio sljedeću:

PRESUDU

Optuženi: D.Š. sin S. i majke K. rođene T., rođen godine u V. G., općina K., nastanjen u mjestu, općina K., Hrvat, državljanin BiH i RH, oženjen, otac dvoje djece, pismen, završio SSS, po zanimanju vozač, penzioner, JMBG, neosuđivan,

KRIV JE

što je,

Kao poreski obveznik u smislu člana 2. stav 3. i člana 21. stav 1. Zakona o porezu na dohodak FBiH („Službene novine FBiH“, broj: 10/08, 9/10, 44/11, 7/13 i 65/13) u svojstvu osnivača i vlasnika pravne osobe „BH PLAY“ d.o.o. Visoko, svjesno, što je i htio da izbjegne plaćanje poreza na dohodak, u vremenskom periodu od 09.03.2021. godine do 13.07.2021. godine, postupio suprotno odredbama člana 36. Zakona o porezu na dohodak i člana 63. Pravilnika o primjeni Zakona o porezu na dohodak (Službene novine F BiH broj: 67/08, 4/10, 86/10, 10/11, 53/11, 20/12, 27/13, 71/13, 90/13, 45/14, 52/16, 59/16, 38/17, 3/18 i 30/18), u pogledu prijave dohotka po doznakama iz inostranstva po osnovu prodaje udjela pravne osobe „BH PLAY“ d.o.o. Visoko, po zaključenom Ugovoru o kupoprodaji udjela „BH PLAY“ d.o.o. Visoko od decembra mjeseca 2020. godine i Ugovora o prijenosu udjela od 12.04.2021. godine, ne dajući zahtijevane podatke o svom stečenom oporezivom prihodu, izbjegao plaćanje poreza na dohodak na prihode uplaćivane u vremenskom periodu od 09.03.2021. godine do 13.07.2021. godine na njegov devizni račun broj: otvoren u Novoj banci AD Banja Luka, filijala Istočno Sarajevo, tako što nije izvršio prijavljivanje oporezivih novčanih sredstava u ukupnom iznosu od 2.899.500,00 Eura konvertovano u konvertibilne marke u ukupnom iznosu od 5.670.929,09 KM, na koji način je propustio obračunati i prijaviti porez na dohodak od imovinskih prava u iznosu od 417.092,90 KM, na koji način je za iznos od 417.092,90 KM sebi pribavio

protivpravnu imovinsku korist, a za taj iznos ošteti Budžet Srednjobosanskog kantona,

Dakle, za sebe izbjegao plaćanje davanja propisanih poreznim zakonodavstvom u Federaciji Bosne i Hercegovine ne dajući zahtijevane podatke o svom stečenom oporezivom prihodu koje su od uticaja na utvrđivanje iznosa takvih obaveza, a iznos obaveze čije se plaćanje izbjegava prelazi 200.000,00 KM,

čime je počinio krivično djelo „Porezna utaja“ iz člana 273. stav 3. u vezi sa stavom 1. Krivičnog zakona Federacije Bosne i Hercegovine,

pa ga sud temeljem istog člana i uz primjenu odredbi članova 42., 43. i 49. stav 1. Krivičnog zakona Federacije BiH

OSUĐUJE

na kaznu zatvora u trajanju od 3 (tri) godine.

Temeljem člana 114. stav 1. Krivičnog zakona FBiH od optuženog D. Š. oduzima se imovinska korist pribavljena krivičnim djelom u iznosu od 417.092,90 KM, te se nalaže optuženom da u roku od 15 dana po pravosnažnosti presude navedeni iznos uplati kao prihod budžeta Federacije Bosne i Hercegovine.

Optuženi se obavezuje da naknadi troškove krivičnog postupka u iznosu od 100,00 (jedna stotina) KM u roku od 15 dana po pravosnažnosti presude.

U skladu sa odredbom članka 301. stavak 2. Zakona o krivičnom postupku Federacije BiH predsjednik vijeća ukratko izlaže odluku:

Zapisničar
Vanja Lovrinović

Predsjednik vijeća
Kokić Edvin